

"মিষ্টি বাচ্চারা - তোমাদের বেহদের অটল সন্ধ্যাসী হতে হবে, কোনও জিনিসের প্রতি তোমাদের লোভ বৃদ্ধি থাকা উচিত নয়"

প্রশ্ন:- বাবার শক্তি প্রাপ্ত করার জন্য তোমরা সব বাচ্চারা সব থেকে ভালো কর্ম কি করো ?

উত্তর:- সবচেয়ে ভালো কর্ম বাবার কাছে নিজের সবকিছু অর্থাৎ তন -মন-ধন সহ অর্পণ করা । যখন তুমি সবকিছু অর্পণ করো, বাবা রিটার্নে তোমাদের এত শক্তি দেন, যাতে তোমরা সারা বিশ্বে সুখ শান্তির অটল অখন্ড রাজ্য শাসন করতে পারো ।

প্রশ্ন:- বাবা বাচ্চাদের কোন্ সেবা শিখিয়েছেন যা কোনো মানুষ শেখাতে পারেনা ?

উত্তর:- রুহানী সেবা । তোমরা আত্মাদের বিকার রোগ থেকে রেহাই দিতে জ্ঞানের ইঞ্জেকশন লাগাও । তোমরা হলে রুহানী সোশ্যাল ওয়ার্কার । মানুষ শারীরিক সেবা করে কিন্তু জ্ঞান ইঞ্জেকশন দিয়ে আত্মাদের জাগ্রত জ্যোতি বানাতে পারেনা । এই অনন্য সেবা একমাত্র বাবা বাচ্চাদের শেখান ।

ওম্ শান্তি । ভগবানুবাচ- এটা তো বোঝানো হয়েছে যে কোনো মানুষকে ভগবান বলা যায় না । এটা মনুষ্য সৃষ্টি আর ব্রহ্মা বিষ্ণু শঙ্কর হলেন সূক্ষ্ম বতনে । শিববাবা আত্মাদের অবিনাশী বাবা । বিনাশী শরীরের বাবা তো বিনাশীই হবে । এইসব তো সবই তোমরা জানো । জিজ্ঞাসা করা হয় তোমাদের এই বিনাশী শরীরের বাবা কে ? আত্মার বাবা কে ? তোমরা আত্মারা জানো যে তোমাদের নিবাস পরমধামে । এখন তোমাদের দেহ -অভিমানী কে বানিয়েছে । দেহ রচনাকারী । তোমাদের দেহী -অভিমানী কে বানান ? আত্মাদের যিনি অবিনাশী বাবা । অবিনাশী অর্থাৎ যাঁর আদি -মধ্য -অন্ত নেই ! যদি আত্মার এবং পরমাত্মার আদি-মধ্য-অন্ত বলা হয় তবে রাচনা সম্পর্কেও প্রশ্ন উঠবে । তাঁকে বলা হয় অবিনাশী আত্মা, অবিনাশী পরমাত্মা । আত্মার নাম আত্মা । আত্মা অবশ্যই নিজেকে জানে যে আমি আত্মা । আত্মা বলে আমাকে দুঃখী কোরোনা । আমি পাপাত্মা এটা আত্মাই বলে । স্বর্গে কখনও এই ধরণের শব্দ উচ্চারিত হবেনা । এই সময়ই আত্মা পতিত, যে আত্মারা আবার পবিত্র হবে । পতিত আত্মাই পবিত্র আত্মার মহিমা করে । যে মনুষ্য আত্মারা আছে তাদের পুনর্জন্ম তো অবশ্যই নিতে হবে । এইসব কথা নতুন । বাবা তোমাদের নির্দেশ দেন, উঠতে বসতে আমাকে স্মরণ করো । প্রথমে তোমরা পূজারী ছিলে, বলতে শিবায় নমঃ । এখন বাবা বলেন, পূজারী রূপে তোমরা বহুবার নুয়েছ । এখন তোমাদের মালিক, পূজ্য বানাই । যাঁরা পূজ্য স্বরূপ তাঁরা কখনো নত হয়না বা নমঃ বলেনা । পূজারী নমঃ অথবা নমস্কার বলে । নমস্কারের অর্থই হলো প্রণত হওয়া অথবা মাথা সামান্য নোয়ানো । বাচ্চারা, তোমাদের অন্য কারও কাছে মাথা নোয়ানোর প্রয়োজন নেই । না লক্ষ্মী -নারায়ণ নমঃ, না বিষ্ণু দেবতায় নমঃ, না শঙ্কর দেবতায় নমঃ । এই মনোভাব পূজা পদ্ধতিরই অঙ্গ । তোমাদের তো এখন সারা সৃষ্টির মালিক হতে হবে । বাবাকেই স্মরণ করতে হবে । বলা হয়ে থাকে, তিনি সর্বশক্তিমান, কালেরও কাল, অকালমূর্ত । সৃষ্টির রচয়িতা, জ্যোতির্বিন্দু স্বরূপ । প্রথমে তারা তাঁর অনেক মহিমা করতো, তারপর বলতে শুরু করলো তিনি সর্বব্যাপী, কুকুর বিড়ালের মধ্যে তিনি বিরাজমান । আর এইভাবে সকল মহিমা সমাপ্ত হয়ে যায় । এই সময়ের সব মানুষই পাপ আত্মা, সুতরাং জানোয়ারের আর কি মহিমা হবে ! এই সবই

মানুষের জন্য প্রযোজ্য। আত্মা বলে, আমি আত্মা আর এই আমার শরীর, আত্মা যেমন বিন্দু তেমন পরমপিতা পরমাত্মাও বিন্দু। তিনিও বলেন আমি পাতিতকে পবিত্র বানাতে সাধারণ তনে এসে, ওবিডিয়েন্ট সার্ভেন্ট হয়ে সার্ভিস করি। আমি রুহানী সোশ্যাল ওয়ার্কার। বাচ্চারা, আমি তোমাদেরও রুহানী সেবা শেখাই। অন্য সবাই শেখায় কিভাবে হদের শারীরিক সেবা করতে হয়। তোমাদের রুহানী সেবা। এইজন্যই মহিমা গাওয়া হয় - সদগুরু জ্ঞান অঞ্জন দিয়েছেন, প্রকৃত সদগুরু এক তিনিই। তিনিই অথরিটি। তিনি এসে সব আত্মাদের ইঞ্জেকশন দেন। বিকার ব্যাধি আত্মাদেরই। এই জ্ঞানের ইঞ্জেকশন আর কারও কাছে থাকেনা। আত্মাই পতিত হয়েছে, শরীর নয় যাকে ইঞ্জেকশন লাগাতে হয়। পাঁচ বিকারের কঠিন ব্যাধি! এইজন্য জ্ঞান সাগর বাবা ব্যতীত ইঞ্জেকশন কারও কাছে থাকেনা। বাবা এসে আত্মাদের সাথে কথা বলেন, হে আত্মারা! তোমরা জাগ্রত জ্যোতি ছিলে, তারপর মায়া তোমাদের ওপর তার ছায়া ফেলেছে। এই ছায়া ফেলতে ফেলতে তোমাদের বুদ্ধিকে অন্ধ বানিয়ে দিয়েছে। এটা যুধিষ্ঠির বা ধৃতরাষ্ট্রের বিষয় নয়। এটা রাবণের ব্যাপার। বাবা বলেন, আমি সাধারণ রীতিতে আসি। আমাকে কয়েকে মাত্রই চিনতে পারে। শিবজয়ন্তী, কৃষ্ণজয়ন্তী থেকে আলাদা। পরমপিতা পরমাত্মা শিবকে কৃষ্ণের সাথে তোমরা তুলনা করতে পরেনা। ইনি নিরাকার উনি সাকার। বাবা বলেন, আমি নিরাকার, তারা আমার মহিমাও গায় - হে পতিত -পাবন! এসে এই ভারতকে আবারও সত্যযুগী দৈবী রাজাদের স্থান বানাও। কোনো সময় দৈবী রাজাদের স্থান বিদ্যমান ছিল, এখন আর নেই। এই রাজ্য নতুন করে আবার কে স্থাপন করবেন? পরমপিতা পরমাত্মাই ব্রহ্মা দ্বারা নতুন দুনিয়ার স্থাপনা করেন। এখন পতিত প্রজার ওপর প্রজার শাসন। এর নামই হলো কবরস্থান। মায়া সব নাশ করে দিয়েছে। এখন তোমাদের দেহ সহ দেহ সম্বন্ধীয় সব ভুলে এক আমাকে, তোমাদের বাবাকে স্মরণ করতে হবে। জীবিকা নির্বাহের জন্য তোমাদের কর্ম করতে হলেও, তোমরা যতটুকু সময় পাবে আমাকে স্মরণ করার পুরুষার্থ করো। এক তিনিই তোমাদের বিধি বলে দেন। আমাকে সবচেয়ে বেশী স্মরণ করতে পারবে অমৃতবেলায়, কারণ তখন শান্ত, শুদ্ধ সময়। সেই সময় না চোর চুরি করে, না কেউ পাপ করে আর না কেউ বিকারবশ হয়। ঘুমের টাইমে সবকিছু শুরু হয়। সেটাই বলা হয়ে থাকে ঘোর তমোপ্রধান রাত। এখন বাবা বলেন, বাচ্চারা, পাস্ট ইজ পাস্ট। ভক্তিমার্গের খেলা এখন সম্পূর্ণ হয়েছে। এখন তোমাদের বোঝানো হয়েছে যে এটা তোমাদের অন্তিম জন্ম। এই প্রশ্ন উঠতে পারেনা, সৃষ্টির বৃদ্ধি কিভাবে হবে। বৃদ্ধি তো হতেই থাকে। যে আত্মারা এখনো ওপরে আছে, তাদের নীচে আসতেই হবে। যখন তাদের সকলেই নীচে নেমে আসবে তখনই শুরু হবে বিনাশ। তারপর নম্বর ক্রমানুসারে সবাইকে ফিরে যেতে হবে। গাইড সবসময় সামনে থাকে, তাই না! বাবাকে বলা হয় লিবারেটর, পতিত-পাবন। পবিত্র দুনিয়াই স্বর্গ। বাবা ব্যতীত এটা কেউ বানাতে পারে না। এখন তোমরা বাবার শ্রীমতে তন -মন -ধন দ্বারা ভারতের সেবা করছ। গান্ধীজীও এটা করতে চেয়েছিলেন, কিন্তু তিনি তা করতে পারেননি। ডামার ভবিতব্য সেইরকমই ছিলো, যা এখন পাস্ট হয়ে গেছে। পতিত রাজাদের রাজ্য শেষ হয়ে গেছিলো, সুতরাং, তাদের ঠিকঠিকানা সবই লুপ্ত হয়ে গেছে। তাদের প্রপাটিরও খোঁজখবর নেই। নিজেরাও বুঝতে পারতো লক্ষ্মী -নারায়ণ স্বর্গের মালিক ছিলেন। কিন্তু তারা এটা জানেনা যে তাঁদের এমন কে বানিয়েছেন। নিশ্চয়ই স্বর্গের রচয়িতা বাবার থেকে সম্পত্তির উত্তরাধিকার লাভ হয়েছিলো, নয়তো আর কেউ এত বিশাল উত্তরাধিকার দিতে পারেনা। এই বিষয় নিয়ে কোনো শাস্ত্রে উল্লেখ নেই। গীতায় আছে কিন্তু নাম বদলে দিয়েছে। তারা দেখায় কৌরব আর পাণ্ডব উভয়েরই রাজত্ব ছিল। কিন্তু এখানে তাদের কোনো রাজ্য নেই। এখন বাবা আবার স্থাপনা করছেন। তোমরা সব বাচ্চাদের খুশির পারা ওঠা উচিত। নাটক এখন সম্পূর্ণ হয়ে এসেছে, আমরা ফিরে যাচ্ছি। আমরা সুইট হোমের

আবাসিক । তারা বলে অমুকে ইহলোক পার করে নির্বাণ-এ গেছে অথবা জ্যোতি জ্যোতিতে মিশে গেছে অথবা মোক্ষলাভ করেছে । ভারতবাসীদের স্বর্গ মিষ্টি লাগে, তারা বলে স্বর্গে চলে গেছে । বাবা বোঝান মোক্ষ কেউ পায়না । সকলের সদগতি দাতা এক বাবা, তিনি নিশ্চয়ই সবার জন্য সুখই দেবেন । কেউ নির্বাণধামে বসে থাকবে আর কেউ দুঃখ ভোগ করবে, বাবা এমন সহন করতে পারেননা । বাবা পতিত -পাবন । এক পবিত্র মুক্তিধাম আর দ্বিতীয় পবিত্র জীবনমুক্তি ধাম । তারপর দ্বাপরের পর সবাই পতিত হয় । পাঁচ তন্ত্র ইত্যাদি সব তমঃপ্রধান হয়ে যায় । এরপরই বাবা এসে সেই সবকিছু পবিত্র বানান । তারপর সেই পবিত্র তন্ত্র দ্বারা তোমাদের শরীর গোরা অর্থাৎ ফর্সা হয়ে যায় । ন্যাচারাল বিউটি থাকে; ন্যাচারাল আকর্ষণ থাকে । কৃষ্ণতে কত আকর্ষণ ! নামই তো স্বর্গ, তাহলে তোমরা কি আশা করবে ? তারা পরমাত্মার অকালমূর্ত রূপের অনেক মহিমা করে, তারপরে আবার নুড়ি-পাথরের মধ্যেও তাঁকে রাখছে, বলে তিনি সর্বত্র বিরাজমান । বাবাকে কেউ জানেনা, বাবা যখন আসেন তখনই তিনি বোঝাতে পারেন । লৌকিক বাবাও যখন বাচ্চা রচনা করে, তখনই সেই বাচ্চার তাদের বাবার বায়োগ্রাফি জানতে পারে । বাবা বাচ্চাদের না বললে তারা তাদের বাবার বায়োগ্রাফি জানবে কিভাবে ! এখন বাবা বলেন, লক্ষ্মী -নারায়ণকে বরণ করতে চাইলে মেহনত করতে হবে । লক্ষ্য অনেক উঁচু কিন্তু আমদানিও প্রচুর । সত্যযুগে পবিত্র প্রবৃত্তি মার্গ ছিলো । পবিত্র রাজস্থান ছিলো, যা এখন অপবিত্র হয়ে গেছে । সবাই বিকারগ্রস্ত । এটা এখন আসুরিক দুনিয়া যেখানে অনেক করাপশন । রাজ্য শাসন করতে তোমাদের শক্তি প্রয়োজন । লোকের তো ঈশ্বরীয় শক্তি নেই । এটা প্রজার ওপরে প্রজার শাসন, যারা দান পুণ্য ভালো কর্ম করে তাদের রাজ পরিবারে জন্ম হয় । সেই কর্মের শক্তি থাকে । তোমরা এখন অনেক শ্রেষ্ঠ কর্ম করছো । তোমরা তন -মন -ধন সবকিছু শিববাবার কাছে অর্পণ করেছ, তো শিববাবাকেও বাচ্চাদের সামনে সবকিছু অর্পণ করতে হয় । তোমরা তাঁর থেকে শক্তি ধারণ করে সুখ শান্তির অখন্ড অটল রাজ্য শাসন করো । প্রজাদের কোনও শক্তি নেই । এমন বলবে না যে এটা ছিলো, কারণ কেউ কেউ ধন দান করেছিলো বলেই সে এম .এল .এ . হয়েছিল । ধন দান করলে সে ধনবান ঘরে জন্ম নেবে । এখন কোনো রাজত্ব নেই । বাবা এখন তোমাদের কত শক্তি দেন ! তোমরা বলো, আমরা নারায়ণকে বরণ করবো । আমরা মানুষ থেকে দেবতায় পরিণত হচ্ছি । এইসবই নতুন বিষয় । নারদের কাহিনী এই সময়ের । রামায়ণ ইত্যাদিও এই সময়ের । সত্যযুগ ত্রেতায় কোনো শাস্ত্র হয়না । সব শাস্ত্র বর্তমান সময়ের সাথে জড়িয়ে আছে । যদি তোমরা ঝাড়ের দিকে দেখে তো দেখবে মঠ, পন্থ সব পরে আসে । মুখ্য হলো ব্রাহ্মণ বর্ণ, দেবতা বর্ণ, ক্ষত্রিয় বর্ণ ...ব্রাহ্মণদের শিখা প্রসিদ্ধ, ব্রাহ্মণ বর্ণ সবচেয়ে উঁচু যার কোনো বর্ণনা শাস্ত্রে নেই । বিষ্ণুর বিভিন্ন রূপের মধ্য থেকেও ব্রাহ্মণদের বাদ দেওয়া হয়েছে । ড্রামায় এইসব কিছুই ফিক্সড আছে । দুনিয়ার লোকেরা এটা জানেনা যে তারা ভক্তি করেই নীচে নেমে এসেছে । তারা বলে ভক্তি দ্বারা ভগবানকে পাওয়া যায় । তারা তাঁকে ডাকে, দুঃখে স্মরণ করে । সেতো তোমরা নিজেরাই অনুভাবী । সেখানে কোনো দুঃখ নেই, এখানে সবার মধ্যে ক্রোধ, একে অপরের সাথে অপমানজনক আচরণ করে । তোমরা এখন বলোনা শিবায় নমঃ, শিব তো তোমাদের বাবা, তাই না ! বাবা সর্বব্যাপী, তাদের এইরকম বলায় ব্রাদারহুড-এর ধারণা লুপ্ত হয়ে যায় । ভারতে তারা ভালো কথা তো খুব বলে - হিন্দু চীনা ভাই- ভাই, চীনা মুসলিম ভাই -ভাই । সবাই তো ভাই -ভাই, সবাই এক বাবার বাচ্চা । এই সময় তোমরা বুঝতে পারছ, তোমরা সবাই এক বাবার বাচ্চা । ব্রাহ্মণদের বংশ তালিকা আবার একবার স্থাপনা হচ্ছে । এই ব্রাহ্মণ ধর্ম থেকে দেবী-দেবতা ধর্ম বেরিয়ে আসে । দেবী-দেবতা ধর্ম থেকে ক্ষত্রিয় ধর্ম । ক্ষত্রিয়ের পরে ইসলাম ধর্ম, কারণ এটা তো কুলুজিনামা, তাই না ! এরপরে বৌদ্ধ এবং খ্রিস্টান ধর্ম বেরিয়ে আসে । এইভাবে বৃদ্ধি হতে হতে এত বড় ঝাড় হয়ে

গেছে । এটা বেহদের কুলুজিনামা, অন্য সব হদের । এই ডিটেল বিষয় যারা ধারণ করতে পারেনা, বাবা তাদের জন্য সহজ যুক্তি বলেন - বাবা আর উত্তরাধিকার স্মরণ করো তো স্বর্গে অবশ্যই যাবে । যতই হোক, যদি উঁচু পদ কামে করতে চাও তো তার জন্য পুরুষার্থ করতে হবে । তোমরা এটা জানো যে শিববাবাও তোমাদের বোঝান, ইঁনি বাবাও বোঝান । এক তিনিই, আমার এবং তোমাদের বুদ্ধিতে আছেন । যদিও আমরা শাস্ত্রাদি পড়েছি, কিন্তু আমরা জানি এইসব শাস্ত্র থেকে আমরা ভগবানকে পেতে পারিনা । বাবা বোঝান, মিষ্টি মিষ্টি বাচ্চারা, শিববাবা এবং তাঁর উত্তরাধিকার স্মরণ করতে থাকো । তোমাদের বাবার মহিমা করা উচিৎ এইভাবে - বাবা তুমি কত মিষ্টি, এসবই তোমার চমৎকার ! তোমরা বাচ্চারা ঈশ্বরীয় লটারী জিতেছ । এখন জ্ঞান আর যোগের মেহনত করতে হবে । এতে জবরদস্ত প্রাইজ পাওয়া যায়, সুতরাং পুরুষার্থ তো করতে হবে ! আচ্ছা !

মিষ্টি হারানিধি বাচ্চাদের প্রতি মাতাপিতা বাপদাদার স্মরণ-স্নেহ এবং গুড মর্নিং । রুহানী বাবার রুহানী বাচ্চাদের নমস্কার ।

ধারণার জন্য মুখ্য সারঃ -

১) অমৃতবেলার শুদ্ধ এবং শান্ত সময়ে উঠে বাবাকে স্মরণ করতে হবে । দেহ সহ সব কিছু ভুলে যাওয়ার অভ্যাস করতে হবে ।

২) যা অতীত তা অতীত এই মনোভাবে এই অন্তিম জন্মে পবিত্র করার কার্যে বাবাকে সহযোগ দাও । ভারতকে স্বর্গ বানানোর সেবায় তোমার তন মন ধন সহ কর্মশীল হও ।

বরদানঃ - নিজের আদি এবং অন্ত স্বরূপকে সামনে রেখে খুশি এবং নেশায় থেকে স্মৃতিস্বরূপ ভব

যেমন আদি দেব ব্রহ্মা এবং আদি আত্মা শ্রীকৃষ্ণ উভয়ের মধ্যে প্রভেদ দেখিয়েও তাঁদের একসাথে দেখানো হয় । এইভাবে তোমরা সবাই নিজের ব্রাহ্মণ স্বরূপ এবং দেবতা স্বরূপ উভয়ই সামনে রেখে দেখ যে আদি থেকে অন্ত পর্যন্ত তোমরা কতটা শ্রেষ্ঠ আত্মা ছিলে । অর্ধকল্প তোমরা রাজ্যভাগ্য প্রাপ্ত করেছিলে এবং অর্ধকল্প মাননীয়, পূজনীয় শ্রেষ্ঠ হয়েছ । সুতরাং, এই নেশা আর খুশিতে থাকলে স্মৃতিস্বরূপ হয়ে যাবে ।

স্লোগানঃ- যাদের কাছে বিপুল ধন আছে, তাদের সম্পন্নতার অনুভূতি হয় ।